

lâⁿkòe Sèkan

5 Kiànnā sionsìn lésu sī Kitok ê lâng, lóng sī SiōngChú ê kiáⁿjī; kiànnā thiàⁿ ThiⁿPē ê, mā ē thiàⁿ l ê Kiáⁿ. 2 Lán nā thiàⁿ SiōngChú, koh chunsiú l ê kàiⁿbēng, áⁿne, lán tòh chai lán ũ teh thiàⁿ SiōngChú ê kiáⁿjī. 3 Chunsiú SiōngChú ê kàiⁿbēng, tòh sī thiàⁿ SiōngChú; jīchhiáⁿ l ê kàiⁿbēng pēng m̄ sī oh tit chunsiú ê. 4 Nūi kiànnā tùi SiōngChú sǒ seⁿ ê, lóng ē tàng iâⁿkòe sèkan; hō lán iâⁿkòe sèkan ê, tòh sī lán ê sìnⁿsim. 5 Sī siáⁿ lâng ē tàng iâⁿkòe sèkan? Kám m̄ sī hiahê sionsìn lésu sī SiōngChú ê Kiáⁿ ê lâng?

Kiànchèng lésu Kitok

6 Chit ũi tòh sī chià tiòh chúⁱ kah hoeⁿ lâi ê lésu Kitok; m̄ sī kantaⁿ ēng chúⁱ, khiok sī ēng chúⁱ kah hoeⁿ. 7 Lêng mā chhinchū kiànchèng che sī chinsit ê, inūi lêng tòh sī chinⁿlí. 8 Ū saⁿê teh chò kiànchèng, tòh sī lêng, chúⁱ kah hoeⁿ, jīchhiáⁿ chit saⁿê kiànchèng lóng ũ itⁿi. 9 Kijian lán chiapsiū lâng ê kiànchèng, áⁿne, SiōngChú ê kiànchèng tongjian koh khah ũ hāulék, inūi che sī SiōngChú ũi l ê Kiáⁿ sǒ chò ê kiànchèng. 10 Sǒi, kiànnā sìn SiōngChú ê Kiáⁿ ê lâng, tī i ê simⁿlāi tòh ũ chitê kiànchèng; kiànnā m̄ sìn SiōngChú ê lâng, tòh sī ká SiōngChú tòngchò teh kóng pēhⁿchhát, inūi i m̄ sionsìn SiōngChú ũi l ê Kiáⁿ sǒ chò ê kiànchèng. 11 Chitê kiànchèng tòh sī: SiōngChú íkeng ũ siúⁿsù éngseng hō lán, jīchhiáⁿ chitê éngseng sī tī l ê Kiáⁿ lāibīn. 12 Kiànnā ũ tit tiòh SiōngChú ê Kiáⁿ ê lâng, tòh ũ chitê éngseng; kiànnā bô tit tiòh SiōngChú ê Kiáⁿ ê lâng, tòh bô chitê éngseng.

Éngoán ê Sèⁿmiā

13 Góa siá chiahê tāichì hō lín chiahê sìn SiōngChú ê Kiáⁿ ê lâng, sī beh hō lín chai lín ē ũ éngseng. 14 Lán tī SiōngChú bīnⁿchēng anjian bô kiaⁿhiáⁿ, inūi lán khaksìn, lán nā chiàu l ê chúⁱ, bôlūn kiú siáⁿmih, l lóng ē àⁿ hīⁿkhang thiaⁿ. 15

贏過世間

5 見若相信耶穌是基督 ê 人, lóng 是上主 ê kiáⁿ 兒; 見若疼天父 ê, mā ē 疼祂 ê Kiáⁿ. 2 咱若疼上主, koh 遵守祂 ê 誠命, áⁿne, 咱 tòh 知咱有 teh 疼上主 ê kiáⁿ 兒. 3 遵守上主 ê 誠命, tòh 是疼上主; 而且祂 ê 誠命並 m̄ 是 oh 得遵守 ê. 4 因為見若 tùi 上主所生 ê, lóng ē tàng 贏過世間; hō咱贏過世間 ê, tòh 是咱 ê 信心. 5 是啥人 ē tàng 贏過世間? Kám m̄ 是 hiahê 相信耶穌是上主 ê Kiáⁿ ê 人?

見證耶穌基督

6 Chit 位 tòh 是藉 tiòh 水 kah 血來 ê 耶穌基督; m̄ 是 kantaⁿ 用水, 卻是用 water kah 血. 7 靈 mā 親自見證這是真實 ê, 因為靈 tòh 是真理. 8 有三个 teh 做見證, tòh 是靈、水 kah 血, 而且 chit 三个見證 lóng 有一致. 9 既然咱接受人 ê 見證, áⁿne, 上主 ê 見證當然 koh khah 有效力, 因為這是上主為祂 ê Kiáⁿ 所做 ê 見證. 10 所以, 見若信上主 ê Kiáⁿ ê 人, tī 伊 ê 心內 tòh 有 chitê 見證; 見若 m̄ 信上主 ê 人, tòh 是 ká 上主當做 teh 講白賊, 因為伊 m̄ 相信上主為祂 ê Kiáⁿ 所做 ê 見證. 11 Chitê 見證 tòh 是: 上主已經有賞賜永生 hō咱, 而且 chitê 永生是 tī 祂 ê Kiáⁿ 內面. 12 見若有得 tiòh 上主 ê Kiáⁿ ê 人, tòh 有 chitê 永生; 見若無得 tiòh 上主 ê Kiáⁿ ê 人, tòh 無 chitê 永生.

永遠 ê 性命

13 我寫 chiahê tāichì hō lín chiahê 信上主 ê Kiáⁿ ê 人, 是 beh hō lín 知 lín ē 有永生. 14 咱 tī 上主面前安然無驚惶, 因為咱確信, 咱若照祂 ê 旨意, 無論求啥物, 祂 lóng ē àⁿ 耳孔聽. 15

Kijian lán khaksìn l ē thiaⁿ lán itchhè ê kikiû, lán tòh kângkhoán khaksìn bôlun lán kiû siáⁿmih, l ittēng ē siúⁿsù hō lán.

16 Nā ū lāng khòⁿkìⁿ i ê hiaⁿtī chímōe hoān tiòh bē tìkàu sí ê chōe, i tòh engkai òng SiōngChú kikiû, SiōngChú tòh ē siúⁿsù sèⁿmiā hō hitê hoān tiòh bē tìkàu sí ê chōe ê lāng; lāng sô hoān ê nāsī ē tìkàu sí ê chōe, góa bô kóng engkai ūi chit khoán chōejîn kító. 17 Sô^u putgī ê hēngūi lóng sī hoānchōe, m̄ koh, kítiong mā ū bián tìkàu sí ê chōe.

Kèngkài

18 Lán chai SiōngChú ê kiáⁿjī bē kèsiók hoānchōe, inūi ū SiōngChú ê Kiáⁿ teh pòsiú i, tìsú Mòkúi mā kháp i bē tiòh.

19 Lán chai lán sī siók SiōngChú ê, m̄ koh, kuiê sèkan khiok lóng siū Mòkúi koánhat.

20 Lán chai SiōngChú ê Kiáⁿ íkeng lîmkàu, koh sù hō lán líkailék, thang jīnbat hit ūi chinsit ê SiōngChú. Lán tiàm tī chinsit ê SiōngChú lāibīn, inūi lán tiàm tī l ê Kiáⁿ Iésu Kitok lāibīn. Chit Ūi tòh sī chinsit ê SiōngChú, mā sī éngseng.

21 Sèkiáⁿ ah, lín tiòh hō kakī oánlī ngósiōng.

既然咱確信祂 ē 聽咱一切 ê 祈求，咱 tòh 仝款確信無論咱求啥物，祂一定 ē 賞賜 hō咱。

16 若有人看見伊 ê 兄弟姊妹犯 tiòh bē 致到死 ê 罪，伊 tòh 應該 òng 上主祈求，上主 tòh ē 賞賜性命 hō hitê 犯 tiòh bē 致到死 ê 罪 ê 人；人所犯 ê 若是 ē 致到死 ê 罪，我無講應該為 chit 款罪人祈禱。 17 所有不義 ê 行為 lóng 是犯罪，m̄ koh，其中 mā 有免致到死 ê 罪。

警誡

18 咱知上主 ê kiáⁿ 兒 bē 繼續犯罪，因為有上主 ê Kiáⁿ teh 保守伊，致使魔鬼 mā kháp 伊 bē tiòh。

19 咱知咱是屬上主 ê，m̄ koh，kui 个世間卻 lóng 受魔鬼管轄。

20 咱知上主 ê Kiáⁿ 已經臨到，koh 賜 hō咱理解力，thang 認 bat hit 位真實 ê 上主。咱 tiàm tī 真實 ê 上主內面，因為咱 tiàm tī 祂 ê Kiáⁿ 耶穌基督內面。Chit Ūi tòh 是真實 ê 上主，mā 是永生。

21 細 kiáⁿ ah，lín tiòh hō kakī 遠離偶像。